



SLUŽBENE NOVINE

KANTONA SARAJEVO

Godina XXII – Broj 40

Četvrtak, 12. oktobra 2017. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), člana 7. Zakona o zaštiti prava pripadnika nacionalnih manjina ("Službeni glasnik BiH", br. 12/03, 76/05 i 93/08) i člana 23. Zakona o zaštiti prava pripadnika nacionalnih manjina u Federaciji Bosne i Hercegovine ("Službene novine Federacije BiH", broj 56/08), Skupština Kantona Sarajevo, na sjednici održanoj dana 02.10.2017. godine, donijela je

ZAKON

O DOPUNI ZAKONA O ZAŠTITI PRAVA PRIPADNIKA NACIONALNIH MANJINA U KANTONU SARAJEVO

Član 1.

(Dopuna člana 25.)

- (1) U Zakonu o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), u članu 25. iza stava (4) dodaje se novi stav (5), koji glasi:

"(5) U slučaju da se ne postigne dogovor iz stava (4) ovog člana, delegata nacionalne manjine u Vijeću predlaže udruženje koje ima veći broj registrovanih članova te nacionalne manjine. U slučaju da udruženja imaju isti broj registrovanih članova, delegata predlaže udruženje koje je prvo registrovano sa sjedištem na teritoriji Kantona".

- (2) Dosadašnji st. (5) i (6) postaju st. (6) i (7).

Član 2.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-29374/17
02. oktobra 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana 02.10.2017. godine, donijela je

ZAKON

O IZMJENAMA ZAKONA O PROGLAŠAVANJU ŽALOSTI U KANTONU SARAJEVO

Član 1.

(Izmjena člana 2.)

U Zakonu o proglašavanju žalosti u Kantonu Sarajevo ("Službene novine Kantona Sarajevo", br. 26/08 i 36/15), u članu 2. stav (1) mijenja se i glasi:

"(1) Žalost se proglašava povodom velikog broja ljudskih žrtava, nastalih uslijed elementarnih nepogoda izuzetnih razmjera (zemljotres, poplava, požar, klizanje tla i slično), uslijed saobraćajnih nesreća i teških nesreća u preduzećima, školama i drugim javnim objektima i na javnim mjestima, kao i uslijed drugih događaja koji su, po ocjeni Vlade Kantona (u daljnjem tekstu: Vlada), takve prirode da se može smatrati da su zadesili cijeli Kanton, neovisno od broja žrtava".

Član 2.

(Izmjena člana 3.)

Član 3. mijenja se i glasi:

"Član 3.

(Proglašenje žalosti)

Žalost proglašava Vlada, na prijedlog premijera Kantona uz konsultacije predsjedavajućeg i zamjenika predsjedavajućeg Skupštine Kantona".

Član 3.

(Izmjena člana 6.)

Član 6. mijenja se i glasi:

"Član 6.

(Izražavanje žalosti)

- (1) Žalost se izražava isticanjem zastave Kantona na pola koplja, u skladu sa Zakonom o upotrebi grba i zastave Kantona Sarajevo, minutom šutnje na radnim i drugim skupovima, održavanjem komemorativnih sjednica, upisivanjem u knjigu žalosti, kao i drugim načinom izražavanja žalosti, prikladnim za određeni događaj, povodom koga se proglašava žalost.
- (2) U slučaju proglašenja žalosti, odlažu se javne manifestacije zabavnog karaktera za vrijeme trajanja žalosti".

Član 4.

(Brisanje člana 8.)

Član 8. briše se.

Član 5.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-29372/17
02. oktobra 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana 02.10.2017. godine, donijela je

ZAKON

**O IZMJENI I DOPUNI ZAKONA O PRUŽANJU
BESPLATNE PRAVNE POMOĆI**

Član 1.

(Dopuna člana 11.)

U Zakonu o pružanju besplatne pravne pomoći ("Službene novine Kantona Sarajevo", br. 1/12 i 26/14) u članu 11. stav (1) iza tačke h) na kraju teksta tačka se zamjenjuje zarezom i dodaje se nova tačka i), koja glasi:

"i) žrtve seksualnog nasilja tokom oružanog sukoba u Bosni i Hercegovim u zaštiti ostvarivanja njihovih prava po tom osnovu".

Član 2.

(Izmjena člana 26.)

U članu 26. stav (1) riječi: "rukovodeći državni službenik" zamjenjuju se riječima: "rukovodilac, pomoćnik rukovodioca".

Član 3.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-27373/17
02. oktobra 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), i člana 9. Zakona o Kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11), Skupština Kantona Sarajevo, na sjednici održanoj dana 02.10.2017. godine, donijela je

RJEŠENJE

**O RAZRJEŠENJU PRIVREMENOG UPRAVNOG
ODBORA KANTONALNE AGENCIJE ZA
PRIVATIZACIJU SARAJEVO**

I

Razrješava se privremeni Upravni odbor Kantonalne agencije za privatizaciju Sarajevo, i to:

1. Emina Turković, predsjednik
2. Alija Bahtanović, član
3. Amela Čemernica, član
4. Izet Horman, član
5. Zaim Halvadžija, član

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-05-29421/17
02. oktobra 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 9. Zakona o Kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11), Skupština Kantona Sarajevo, na sjednici održanoj dana 02.10.2017. godine, donijela je

RJEŠENJE

**O IMENOVANJU PREDSJEDNIKA I ČLANOVA
UPRAVNOG ODBORA KANTONALNE AGENCIJE ZA
PRIVATIZACIJU SARAJEVO**

I

U Upravni odbor Kantonalne agencije za privatizaciju Sarajevo imenuju se:

1. Tuzlić Selvedina, dipl. pravnik, predsjednik
2. Čatović Mevlida, dipl. ecc, član
3. Prof. dr. Izet Horman, dipl. ing. maš, član
4. Čeljo Ajla, dipl. pravnik, član
5. Turković Emina, dipl. pravnik, član

II

Upravni odbor iz tačke I. ovog rješenja imenuje se na period od dvije godine.

III

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-05-29422/17
02. oktobra 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Vlada Kantona Sarajevo

Na osnovu članova 137., 138. stav (3.) i stav (4.), i člana 182. Zakona o radu ("Službene novine Federacije BiH", broj 26/16), Sindikat srednjeg i visokog obrazovanja, odgoja, nauke i kulture Bosne i Hercegovine Kantonalni odbor Kantona Sarajevo, u daljem tekstu Sindikat kao predstavnik radnika i Vlada Kantona Sarajevo kao poslodavac u daljem tekstu Vlada usaglasili su tekst izmjena i dopuna Kolektivnog ugovora za djelatnost srednjeg obrazovanja u Kantonu Sarajevo ("Službene novine Kantona Sarajevo", br. 42/16 i 51/16) te zaključuju

KOLEKTIVNI UGOVOR

**O IZMJENAMA I DOPUNAMA KOLEKTIVNOG
UGOVORA ZA DJELATNOST SREDNJEG
OBRAZOVANJA U KANTONU SARAJEVO**

Član 1.

Član 188. stav (1) mijenja se i glasi:
"(1) Ovaj Kolektivni ugovor se zaključuje na određeno vrijeme, u trajanju od tri godine od dana potpisivanja ugovora."

Član 2.

Ovaj Kolektivni ugovor stupa na snagu danom potpisivanja, a objavit će se u "Službenim novinama Kantona Sarajevo".

Broj 05-2/17
05. oktobra 2017. godine
Sarajevo

Broj 02-34-29725/17
05. oktobra 2017. godine
Sarajevo

Za Sindikat srednjeg i visokog
obrazovanja, odgoja,
nauke i kulture BiH
Kantonalni odbor
Kantona Sarajevo

Za Vladu
Kantona Sarajevo

Predsjednik
Faruk Bešlić, s. r.

Premijer
Elmedin Konaković, s. r.